

Staðfesting forsetans á skipulagsskrá fyrir Margrétarsjóð, útgefin á venjulegan hátt að mandatum af dómsmálaráðherra 22. júní 1960. 106
22. júní

Skipulagsskráin er þannig:

SKIPULAGSSKRÁ

fyrir Margrétarsjóð.

1. gr.

Sjóðurinn heitir Margrétarsjóður.

2. gr.

Sjóðurinn er stofnaður 26. maí 1944 af meðlimum kvennaklúbbsins Zonta í Reykjavík með 6500 krónum og ber nafn Margrétar Th. Bjarnadóttur Rasmus, fyrrum forstöðukonu Málleysingjaskólans.

3. gr.

Tilgangur sjóðsins er að styrkja bágstadda málleysingja að afloknu skólanámi. Heimilt er og að veita styrki úr sjóðnum til hvers þess, er miðar að bættum aðferðum og nýjungum í læknishjálpi handa heyrnar- og mállausu fólki.

4. gr.

Fé sjóðsins skal ávaxta í banka eða sparissjóði eða með kaupum á bankavaxta- eða ríkisskuldabréfum.

5. gr.

Vextir og annað, er sjóðnum kann að áskotnast, skal leggjast við höfuðstólinn, unz hann er orðinn að upphæð 10000 kr. Eftir það má verja $\frac{3}{4}$ af ársvöxtum sjóðsins til styrktar áðurnefndum málleysingjum, en $\frac{1}{4}$ skal leggja við höfuðstólinn. Þegar sjóðurinn er orðinn að upphæð 20000 kr. má verja öllum ársvöxtum hans og öðrum tekjum eftir því, sem þurfa þykir, en höfuðstólinn, 20000 kr., má ekki skerða.

6. gr.

Stjórn sjóðsins skipa 3 konur, er kvennaklúbburinn Zonta í Reykjavík kýs úr sínum hópi á aðalfundi til eins árs í senn. Reikningar sjóðsins skulu árlega endurskoðaðir af 2 konum, er kosnar skulu með sama hætti. Sjóðstjórnin veitir styrki og sér um ávöxtun á eignum sjóðsins.

7. gr.

Sjóðstjórnin skal halda gerðabók og færa í hana skipulagsskrá sjóðsins, fundarsamþykktir, styrkveitingar og annað, er varðar sjóðinn. Enn fremur skal stjórnin halda bók yfir eignir sjóðsins, tekjur hans og gjöld, og færa í hana ársreikningana.

8. gr.

Reikningar sjóðsins skulu birtir árlega í Lögbirtingablaðinu.

9. gr.

Óski kvennaklúbburinn Zonta þess síðar að láta af stjórn sjóðsins, skal hann afhentur menntamálaráðherra, er þá skipar stjórn hans, og skal þá jafnan a. m. k. ein kona eiga sæti í stjórninni.

106

22. júní

10. gr.
Með skipulagsskrá þessari er felld úr gildi skipulagsskrá fyrir Styrktarsjóð Margrétar Th. Bjarnadóttur Rasmus, nr. 128 7. september 1944.

11. gr.

Leita skal staðfestingar forseta á skipulagsskrá þessari.

Reykjavík, í maí 1960.

Í stjórn kvennaklúbbsins Zonta í Reykjavík.

Auður Auðuns,
form.

Hólmfr. Ó. Baldvinsson,
gjaldkeri.

Kristín Guðmundsdóttir,
ritari.

107

22. apríl

AUGLÝSING

um umferð í Reykjavík.

Samkvæmt ályktun bæjarstjórnar Reykjavíkur hefur verið ákveðinn aðalbrautar-
réttur á eftirtöldum götum og gatnamótum:

1. Sundlaugavegi.
2. Brúnavegi.
3. Grensásvegi. Aðalbrautarrétturinn gildir þó ekki gagnvart Suðurlandsbraut, Miklubraut og Bústaðavegi.
4. Lönguhlíð. Þó ber umferð um Lönguhlíð að víkja fyrir umferð um Miklubraut og Eskitorg.
5. Nóatún. Þó ber umferð um Nóatún að víkja fyrir umferð um Laugaveg og Borgartún.
6. Suðurgötu. Aðalbrautarrétturinn gildir þó ekki gagnvart Melatorgi og Túngötu.
7. Hofsvallagötu. Aðalbrautarrétturinn gildir þó ekki gagnvart Ægissíðu, Hringbraut og Túngötu.
8. Vegamótum Bústaðavegar, Klifveg, Háaleitisvegur og Mjóumýrarvegur, þannig að umferð frá framangreindum þvergötum Bústaðavegar hafi biðskyldu gagnvart umferð um hann.
9. Vegamótum Tjarnargötu og Skothúsvegur, þannig að umferð um Tjarnargötu hafi biðskyldu gagnvart umferð um Skothúsveg.
10. Vegamótum Laugarnesvegur og Sigtúns, þannig að Sigtún hafi biðskyldu gagnvart Laugarnesvegi.

Athygli skal vakin á því, að vegir, sem að aðalbrautum liggja, eru við vegamótin merktir biðskyldu- eða stöðvunarmerkjum.

Þetta tilkynnist öllum, sem hlut eiga að máli.

Lögreglustjórinn í Reykjavík, 22. apríl 1960.

Sigurjón Sigurðsson.